

# 广东通志

广东通志

廣東通志卷二百四十九

甲子重刊

宦績錄十九

明八

黃德明

步從信

王全

毛添佐

王瑩

黃瑜

李璣

曾直

歐陽恂

黃瑗

錢鐸

盧璘

楊棐

高萃

戴熺

俱肇慶府知府

朱智

張吉

陳勉

林春澤

陳露

郭文通俱肇慶府同知

何文質

李敏張冕

傅獻策

夏淳俱肇慶府通判

李春熙肇慶府推官

高俊肇慶府教授

劉宗貴

陸駒

何宏仁

蕭棟俱高要縣知縣

唐簡

陳坡

韓國藩

熊德揚

施樑俱高明縣知縣

李士文高明縣教諭

梁潛

黃敬止

張邦達

顏寶

岳鎮

李敬中

蕭樟

方選

陳一元

陳祖訓

俱四會縣知縣

張濬

四會縣教諭

程希顥

譚安

方冊

陳綸

鍾鯨

蒙惠

胡堯時

姚舜牧

楊成喬

俱新興縣知縣

孫守正

新興縣丞

陳漢

新興縣教諭

黃景明

趙清

李通



李福海

龔埧

黃寬

俱陽春縣知縣

徐均

陽春縣主簿

吳子育

陽春縣丞

黃重

方嵩

柯昌

林恭章

李右讜

侯偉時

馬之瑛

陽江縣知縣

張淮

陽江縣丞

鄒級

恩平縣知縣

王民順

廣寧縣知縣

孫彬

黃廣

周冕

張鄺

李瑛

管涪

王淮

楊純

田惟祐

周文漢

俱德慶州知州

鄒熙

蔣智

錢萱

俱德慶州同知

徐行

陳琚

俱德慶州判官

丁華

范鑣

潘海

俱封川縣知縣

張嘉會

封川縣典史

萬顯

封川縣訓導

陳潛中

蔣景忠

朱瓊

陳琳

俱開建縣知縣

明

黃德明字本初河中人洪武元年以江西省郎中

攝肇慶府事庶務草創力爲修建築城浚池百廢具舉以才能稱

郝志

步從信洪武二年知肇慶府時府學爲元季兵亂所毀從信經營草昧首訪舊址建廟學凡社稷山川厲壇以次創建規畫有條郡治改觀

同上

王全高密人洪武初由薦辟授禮科給事中出爲九江府同知十六年擢知肇慶府嚴以律已寬以蒞民剴劇裁變不露聲色一郡稱美雖被罰者亦無所怨秩滿去人皆賢之

黃志

毛添佐字公輔麻城人永樂間由德慶知州署肇

慶府

郝志

守正奉公敬賢禮士庶務修舉民思慕之



黃志

王滢鄞縣人宣德六年由刑科給事中出守肇慶  
興利革弊知所先務高要有李伯從者爲讎家所  
誣坐不孝繼母母卒而獄久不決滢至立訊其非  
而釋之瀧水有鄧顯佐者以蕉根造僞印事露繫  
獄經年滢察其不成篆文竟得減死城西失火延  
燒民居滢籲天而火隨滅增修水利作興學校禮  
賢下士切于愛民至今頌之

黃志

黃瑜字仲美臨桂人正統九年舉人授兗州府同  
知有惠政遷本府知府遭喪歸適兩廣徭寇猖獗  
都御史葉盛請以瑜爲肇慶知府至則剔蠹剷弊

百廢漸興化所屬諸蠻聽詣郡自行首服祀包孝  
肅以風後進都御史韓雍嘉其治行奏請加秩以  
布政司參政掌府事先後歷十五年郡人感之

廣西

通志

李璡天台人成化十四年由進士知肇慶府學問  
該博胸次豁達常督儒生講學躬行畎畝勞民勸  
耕士民樂業申免太監進取異禽民甚稱快竟以  
剛介獲謗去官歸舟行李蕭然士論惜之

黃志

曾直字叔溫吉水人宏治壬戌進士知鄆縣游陞  
刑部郎中忤閹去用荐起知肇慶府在肇六年政  
尚威廉督府數問以撫猺之策直上數十萬言多

見采用大指謂非用圍戍法自守互市法相詰糴  
不可撫云嘗憤兵衛縱賊自利至忤上下幾不免  
其疆立不屈得之天性如此

獻徵錄

歐陽恂字誠之安福人進士正德甲戌由南吏部  
郎中知肇慶府興學校正祀典禮賢養老豈弟臨  
民凡鄉賢之嗣弗振者躬造其門訓諭有頑民健  
訟梗化恂毅然曰此非吾民也欲解印綬去士民  
苦畱頑梗者咸感悟歲大旱恂降服徒行率吏民  
拜禱於道越日雨降民大悅節推楊某卒于官恂  
殮之歸其喪人以爲有古君子風丁內艱去起補  
常德遷兩淮運使

郝志



黃瑗字純玉晉江人進士正德間知肇慶府心存撫字修堤防輯戎事恩平賊首蘇寓唐國欽相繼作亂瑗集兵民剿滅之

郝志

錢鐸字振之江南通州人正德辛巳第進士嘉靖初爲刑部主事以諫大禮受杖瀕死得甦累官署郎中考績書最會肇缺守思得人以遏寇虐撫瘡痍吏部推鐸補之旣蒞郡首視郡邑學校郊外荒塾不利賓興乃力言諸按部御史從諸生所請併遷入城廟黌煥然由是魁鄉試者踵接郡人謀創生祠報功以公力遜而止其他賑困窮汰冗費嚴法令杜請托立保伍建公署凡百興革無一不合

民情者御史薦公於朝有曰剛明自持法平政舉廉靜不擾吏畏民懷蓋覈實云以外艱去行李蕭然後官至廣西按察副使

泰泉集

盧璘字秀夫餘姚人進士嘉靖丙辰知肇慶府剛直自持節省浮費郡志久缺毅然創修時督府移鎮郡城征四會大羅山賊殫思贊籌轉饟不匱議立廣寧縣璘之功也陞福建運使

郝志

楊棐建安人進士萬厯甲戌知肇慶府醇和清介政平訟簡吏畏民懷羅旁之役督府諭高要令市馬百令任之矣棐曰高州乃有善馬馬百必三四千金高要安得多金以市馬乎卒減十之九縣民



日轉饗上山棐憫其勞且曰兵無所獲而以爲馘必此輩也戒至河反令士卒自負之力裁浮冗節用愛民嘗畫十餘條上之未行而卒士民哀哭喪歸奔送爲之罷市

獻徵錄

高萃字升百萬厯甲戌進士官刑曹出知肇慶府興利惠民置田贍士多從醇厚肇人肖像祀之

江浙

通志

戴熺長泰人進士萬厯四十年守肇慶府戴爲長泰右族弟兄相繼宦嶺表兄煥嶺東參議擢兩廣總督都御史熺始至值歲大水賑饑恤灾全活甚多築圩堤以杜後患民尤德之秩滿轉海南副使

擢廣東右布政卒於官橐無羨金士民建清風堂

於包孝肅祠後歲時饗祀云

郝志

朱智閩縣人正統間德慶州判官陞同知政聲著聞加意學校新大成殿御書樓工雖浩繁而經理得宜民不稱擾

同上

張吉字克修號翼齋餘干人成化辛丑進士除工部營繕司主事以疏劾左道李孜省妖僧繼曉貶景東通判孝廟初轉肇慶同知肇慶當蒼梧下流頻年苦澇吉相其地曰是可以隄同列不以爲然吉獨身任之發民就役不令而集當水暴漲則乘小舟以視衆莫測其至夜雨不止憂形于色坐以

待旦經營勞瘁歷三載而後成隄互三縣復爲竇以殺衝決之勢民至今號竇曰張公竇隄曰翼齋隄

獻徵錄

陳勉字汝勉黃巖人宏治間肇慶同知有文學清介自勵庖無梁肉或以爲矯勿恤也陞太平知府

郝志

林春澤字德敷侯官人正德甲戌進士授戶部主事出爲肇慶府同知島寇掠高州承檄攝篆春澤習知獠兵害民悉罷遣之代以土著部署方畧寇

次第就擒

福建通志

陳露晉江人嘉靖三十二年肇慶府同知署德慶



州事時浪賊張快馬黃海龍倚徭爲援剽掠富祿  
儒林等鄉露遣間以離其黨令約降降者犒之設  
覆道左至日椎牛醺酒諸賊畢至覆起就擒無脫  
者誅其魁餘皆受降嘗至四會民饑賑之德慶四  
會皆爲立祠子紹功以進士推官廣州稍遷潯州

同知

郝志

郭文通慶都人嘉靖末以掾爲碣石衛經歷時征  
賊伍端參將謝勅失機連營數十皆潰獨文通所  
部大開營門使卒環坐持滿賊不敢逼居民賴之  
後屢征賊有功擢肇慶同知嘗語人曰吾有三不  
寶不寶官不寶財不寶命是以掾吏積功官至大